

MME-NTIÑ NNIM IKỌ BALAAM YE

IDIỌK ITEM

Numbers 23:1-30; 24:1-25; 31:8, 16; 2 Peter 2:12-17

ỌYỌHỌ UKPEP-ŃKPỌ 111

Eke Mkparawa

IKỌ IBUOT: "Ọfọfọn ọnọ owo eke Abasi Jacob edide andiñwam enye, eke odoride enyin ye Jehovah Abasi esie" (Psalm 146:5).

Mme Uyai Eti-mbuk

Balak ye Balaam edọk eda ke enyọñ obot ese nna Israel. Balak ama anam se enye akaduakde ke ndinam Balaam edi edisuñi Ikọt Abasi, idorenyin esie okpon, edi eyekpu. Mmọ emi edi nditọ Jehovah Ata Edikoñ emi Enye amade onyuñ ọdiọñde; ndien Balaam ete "Ami ndisuñi didie se Abasi misuñike? ndinyuñ ntọk didie se Jehovah mitọkke?"

Ediwak owo mfin enyime ete ke uyai edu ke Eti-mbuk, mmọ enyuñ ema edinen ido nditọ Abasi, edi mmọ ke idem mmọ inyeneke esit akpanikọ ndiyak mme idiok-ńkpọ mmọ nnyuñ nnam ńkpọ nnọỌbọñ. Abasi esida utọ mbon oro etiñ ikọ abaña Obio ubọñ Esie, mme ukpọñ ekeme ndibọ erinyaña oto ke ukwọrọ-ikọ mmọ, edi utọ mme ada-usuñ oro minyeneke ima Abasi ke esit mmọ, ebiaña idem mmọ, ke ediwak idaha ebiaña otu owo ńko, utu ke ndiñwam mmọ.

Balaam ekedi anditiñ ntiñ-nnim-ikọ nsu emi Abasi akadade ọdiọñ Nditọ Israel ke adañemi mme asua ekedahade eda. Oto utibe nda-usuñ Abasi, Balaam ama etiñ mfonido Abasi ọnọ ikọt Esie, onyuñ ofiori ete "Ńkpakam ńkpa mkpa eti owo, utit mi akam onyuñ etie nte esie!" Mme ikọ emi ema enem, Balaam okpokonyuñ okop inem ndikpa ntre, edi ama ọsọñ akan nte enye ekpenyime ndikpe ekọm urua. Balaam ama ama inyene ererimbot emi akan nte enye akamade Abasi. Edi akpanikọ nte, kpukpru owo ke ererimbot ekpema ndibọ utip eke Heaven, edi mmọ inyimeke ndidu uwem emi enemde Abasi esit.

Obu Jacob

Balak ye Balaam ema ebemiso eda enań itiaba ye erọñ itiaba enam uwa ke itie uwa itiaba. Nditọ Abasi esinam uwa ke itie uwa kiet enọ Abasi, kpa Abasi akpanikọ kierakiet.

Ke mme uwa oro ema ekekure, Balaam ama obup Abasi se enye editiñde. Balaam ama ada ke obot emi eneñere okut nna nditọ Israel, enye onyuñ ofiori, "Anie abat obu Jacob?" Emi anam nnyin iti eñwọñoro oro Abasi ọkọñwọñode ọnọ Abraham mbemiso idut Jew edidu: "Nyenyuñ nsin ubon fo edi nte ntan isọñ: koro ini owo ekeme ndibat ntan isọñ, ndien ekeme ndibat ubon fo nde" (Genesis 13:16). Nte Balaam akadade ese mme ufọk-ọfọñ nditọ Israel ekeme ndidi enye ama ekere ete ke ntiñ-nnim ikọ oro ososu ama. Balaam ama onyuñ etiñ ntiñ-nnim ikọ ete ke Nditọ Israel edidi saña-saña idut, emi owo mikemeke ndibat ke otu mme idut, ndien ke ofuri emana mme Jew akanam iduokke uduot mmọ.

Uduak Balak ama okpu sia isuñi emi enye akaduakde ama akabare edi eridiọñ, edi enye ama ada Balaam aka obot efen onyuñdọhọ enye afiak etiñ. Ke itie emi enye okokut adaña nna ikpọñ, ndusuk mi Balak ama ekere ete ke enye eyekeme ndisuñi ubak mmọ emi ekedude nsan-nsan. Balaam osuk eyire ete ke imọ ikeme nditiñ se Abasi onyimeke imọ itiñ kpọt kpot.

Ndima Ikọt Abasi

Abasi ama ọdọdiọñ Israel, Enye onyuñdọhọ Balaam ete ke Imọ idikpuhokere uduak esit Imọ. Enye akama Israel koro mmọ ikpọñ ekemenereke enyiñ Abasi akpanikọ ke enyọñ. "Ọfọfọn ọnọ mbon eke Jehovah edide Abasi mmọ" (Psalm 144:15).

Idiok-ńkpọ ndomo-kiet idisimke Nditọ Israel ke adaña ini nte mmọ ekopde uyo Andida mmọ usuñ. Abasi esidhọ mmọ ke mme ini, mme ini ete ke edieke mmọ edinimde Mbet Imọ ke idiok-ńkpọ idisimke mmọ. "Ndien ama ekem, edieke afo mudutreke ndikop uyo Jehovah Abasi fo, ke nditim nnim kpukpru mme ewuhọ Esie, emi ami ńwukde fi mfin emi, Jehovah Abasi fo eyefori fi akan kpukpru mme idut ke ererimbot" (Deuteronomy 28:1). Ńkukure item ekedi mmọ ndikop uyo Abasi. Edieke mmọ enimde Mbet Abasi, mme idut eken idinyeneke odudu ke idem mmọ. Kere baña ukpono ye ubọñ eke ekpekesimde Israel edieke mmọ ekpekemade Abasi ke ofuri esit mmọ, ke anyan ibat isua! Utu ke oro, ke ntak ńsọñ-ibuot mmọ, ema esuan mmọ esin ke ofuri ererimbot, etre ndidi idut ke ńkpọ nte isua (2, 000). Ibọhọke ke isua 1948, ke eyo nnyin emi ke mmọ ekefiak edi idut ndien.

Mme Eridiñ Eka-Iso

Esit ama ayat Balak eti-eti ke ini Balaam ọkọtọñode nta ọdiñ Israel tutu enye ọdọhọ Balaam ete edieke enye midikemeke ndisuñi Israel yak enye etre ndidọdiñ mmọ. Balaam ama oyom ndisuñi Israel, koro nnyin ikot ke Ñwed Joshua 24:10 nte Abasi ọdọhọde ete, "Ñkonyimeke ndikop nnọ Balaam: mmọdo enye akabarede ọdọdiñ mbufo."

Etie nte Balaam ama odomo akani ido idiñ esie tutu osim ini emi, edi idahemi enye asana kpukpru usuñ esie ayak man Abasi etiñ ikọ ebe ke enye. Edi nso utọ inem ikọkọwọrọ enye ke inua! Uyai odu ke usuñ nte Nditọ Israel ekewukde mme ufọk-ọfọñ mmọ. Enye ama etiñ ntiñ-nnim ikọ abañ ubọñ ye odudu emi mbon ekọñ mmọ edinyenede ke ini iso nte mmọ edinwanade ekọñ enyuñ ekan mme obio, enye ọñwọñ mme eridiñonọ kpukpru mmọ emi edidiñde Israel, ye isuñi ọñọ kpukpru mmọ emi esuñide mmọ.

Balak ama odomo ndinam Balaam odop uyo, enye ama onyuñ ebin enye osio ke idut esie. Enye ama ọdọhọ ete ke imọ ima iduak ndifori Balaam, nnọ enye ediwak inyene ye ukpono, edi Abasi ama ọbiñọ enye ndibọ. Balaam ama eneñere ọdiñọ abañ Abasi ete mme inyene, mme ufọk emi ọyọhọde ye eme ye silver ikemeke ndikpuhọre esit Abasi man ada isuñi ọsọk mme owo emi Abasi oyomde ndidiñ. Ndien ke esiode oro efep, Balak ikpọkọñhọ Balaam ñkpọ ndomo-kiet edieke Abasi mikpọkọñhọ enye.

Eke Jesus

Ana nte etiñ ikọ Abasi ndien Balaam ama etiñntiñ-nnim ikọ ini kiet efen. Ini enye emi, ntiñ-nnim ikọ esie akabaña mme anyan usen eke edidide ke iso, edi ekedi mme ntiñ-nnim ikọ eke enyenede ndisu. Enye ama etiñ abañ Ntanta-ọfiñ emi editode Jacob, ye Esañ emi edidahade ida ke Israel. Eketiñ emi abañ Jesus emi edidide nte Ntanta-ọfiñ idorenyin ọñọ mmọ emi efikde ke ererimbot. Enye edito ke ubon Judah, ndien, "se inamde itọñ uwem ọsọñ onyuñ odu enye ke mba" (Malachi 4:2). Malachi onyuñ etiñ abañ Enye nte "Utin edinen ido." Ke ini Simeon ekemende nsek eyen Jesus akama ke ubọk esie, ke ini ete ye eka esie ekemende Enye eka ke Temple, enye okokot Enye "Uñwana eke ediyararede ñkpọñ mme Gentile, onyuñ edi ubọñ ikọt Fo Israel" (Luke 2:32). Jesus eyenọ kpukpru owo eke enimde Enye ke akpanikọ, uñwana ye uwem.

Esañ oro ekedi idiñọ ubọñ, ndien ubak ntiñ-nnim ikọ oro akabaña ini Jesus edidide ndikara ke ererimbot ke edinen ido ke tọsin isua. Idiọk edidem ndomokiet idikemeke ndiwọrọ mbiñọ Enye. Nnyin ikot ini oro, Ini ukara Christ ke tọsin isua.

Ubiomikpe Balaam

Balaam ama etiñ mme inem ikọ oto ke nda-usuñ Abasi, edi mmọ ikanamke enye ufọñ ndomokiet koro esit esie ekedide idiọk. Apostle Paul ọdọhọ nnyin, "Ñkpesem usem mme owo ye eke mme angel, ndien nnyeneke ima, mmakabare nyomo uyom nte akpañkpañ, nnyuñ nsioro uyo nte ekpri ñkanika» (I Ñwed Corinth 13:1). Balaam ikọbọhọ utip ke mme utibe eridiñ emi enye akañwanade ọñọ Israel. Ke 2 Peter 2:17 nnyin ikot utip utọmbon oro Balaam ekedide kiet ke out mmọ: "Mmọ edi idim eke misiahake mmọñ ye akarika eke oyobio emende ofime ebe; ema enim ata obubit ekim enọ mmọ." Itie iduhe inọ utọ mbon oro ke Heaven: "Edi baba ñkpọ ndek kiet ididukke ke esit, ye owo eke anamde mbubiam ido onyuñ osude nsu; ke mibọhọke mmọ ikpọñ-ikpọñ emi ewetde enyiñ mmọ ke ñwed uwem Eyen-erọñ" (Eriyarare 21:27).

Emia Israel Ufen Ke Ido Ukpono Ndem

Edieke Balaam akpakafiakde ọnyọñ ufọk esie, idiọk-ñkpọ ikpesimke Israel ke nta Balak okodomode ndisuñi mmọ. Edi Balaam ama enyene ñkari usuñ eke okponde ndida afanikọñ nsọk nditọ Abasi. Ñkukure ini emi ekemede ndikan nditọ Israel edi ini mmọ enamde idiọk-ñkpọ edue Abasi mmọ.

Balaam ama ọñọ Balak item emi akanamde nditọ Israel eketuak ibuot enọ isen abasi mbon Moab. Ndien ikañ-ikañ iyaresit Abasi ama odoro nditọ Esie ke idem, ndien owo 24,000 edọñ idiọk udọñ ekpaña oto ke ukpono ndem.

Nnyin ikopke aba ñkpọ ibañ Balaam tutu nditọ Israel ekeñwana ekọñ ye mbon Midian. Abasi ama ọñọ ikọt Esie erikan, ndien ke otu mbon ekọñ emi mmọ ekekande ema ekut Balaam enyuñ ewot enye (Numbers 31:8).

MME MBUME

1. Nta emi Balak akayatde esit abañ ntiñ-nnim ikọ emi Balaam eketiñde?
2. Balaam akada mme ikọ emi enye eketiñde ke mmọñ?
3. Nso idi ndusuk ntiñ-nnim ikọ emi enye eketiñde abañ Israel?
4. Nte ndomokiet osu? Siak ndusuk?
5. Owo ifañ ekekpa oto ke item Balaam?
6. Nso ikedi utit Balaam?